

uerdent dei uuazzer zisamine gimiscit unte uuirt iz dâr mite
 sô chodint si, diu uuolla irsprechila mittalla. [gitrenchit,
 In Idumea chuif man ouh si ein aha,
 diu uuantele die varauua des iâres vier uerba:
 dri mânot ist si truoba, dri ist si grasegruona, 100
 dri pluotvara, dri ist si lütter alagaro.
 Allesuâ ist ein sê,
 der uuirt drio stunt sô bitter, é der tag uuerda tunker:
 after diu ist er in munde suoz unte lindi.
 In Sardinia ni sint nieht diebe manega, 110
 daz ist fone diu unt ih sag iu,
 daz ein prunno dâ springit, dei siechin ougin er erziuit;
 der ouhieht firstilit, porlanga erz *nieni* hilit:
 giseruit er meinnes unte gitrinchit er sîn einist,
 daz gisûne er sô flusit, daz er noh sâ uegiskimen chûsit. 120

XXXXII. MEMENTO MORI.

1. Nû denchent, wib unde man, war ir sulint werdân.
 ir minnot tisa brôdemi unde wânint iemer hie sîn.
 si ne dunchet iu nie sô minnesam, eina churza wila sund ir si hân:
 ir ne lebint nie sô gerno manegiu zît, ir muozent verwandelon
 disen lib.
2. Tâ hina ist ein michel menegi; sie wândan iemer hie sîn, 10
 sie minnoten tisa wêncheit: iz ist in hiuto vil leit.
 si ne dûhta sie nie sô minnesam, si habent si ie doh verlâzen:
 ich ne weiz war sie sint gevarn, got muozze so alle bewarn!
 3. Sie hugeton hie ze lebinne, sie gedâhton hin ze varne
 ze der êwigin mendi, dâ sie iemer solton sîn. 20
 wie luzel sie des gedâhton, war sie ze iungest varn solton!
 nû habint siu iz bevunden, sie wârin gerno erwunden.
4. Paradysum daz ist verro hinnan: tar chom vil selten dehein
 taz er her wider wunde unde er uns taz mâre brunge, [man, 30
 ald er iu daz gesageti, weles libes sîn dort lebetin.
 sulnd ir iemer dâ genesen, ir muozint iu selbo die boten wesen.
5. Tisiu werlt ist alsô getân: swer zuo ir beginnet vân,
 si machot iz imo alse wunderlieb, von ir chom ne mag er niet.
 sô begriffet er ro gnuoge, er habeti ir gerno mêra.
 taz tuot er unz an sîn ende, sô ne habit er hie noh tenne. 40
6. Ir wânint iemer hie lebin: ir muozt is ze iungest reda ergeben.
 ir sulent all-ersterben, ir ne mugent is niewit uber werden.
 ter man einer stuntwilo zergât, alsô skiero sô diu brâwa zesamine
 Tes wil ih mih vermezzen: sô wirt sîn skiero vergezzen. [geslât.

96 chuit] chute *hs. K.* 97 narauue *hs. K.* 114 die *hs.* 116 hilit] ... ita *hs. nach Hoffmann.* 118 gitrinchiner *hs.*

XXXXII. 5 iuh *Steinm.* 7 gerno *tilgt Steinm.* 17 hvgehto *hs.* 23 bewnden *hs.* 24 erwunden *hs.* 27 wunde *hs.* 40 hie noh *hs., Kraus,* ienoh *Steinm.* 41 lebint *hs.* 42 is *tilgt Steinm.* 46 *Hinter skiero steht in der hs. ein reimpunkt; v. 47. 48 sind durch den großen anfangsbuchstaben (Tes) zur folgenden strophe gezogen. Wilmanns faßt 46 als vordersatz zu 48.*